

**Dissertatio medica inauguralis, de phthisi pulmonali ... / Eruditorum
exameni subjicit Alexander Fraser.**

Contributors

Fraser, Alexander.
University of Edinburgh.

Publication/Creation

Edinburgi : Excudebant C. Stewart et socii, Academiae typographi, 1799.

Persistent URL

<https://wellcomecollection.org/works/cmvaq2g7>

License and attribution

This work has been identified as being free of known restrictions under copyright law, including all related and neighbouring rights and is being made available under the Creative Commons, Public Domain Mark.

You can copy, modify, distribute and perform the work, even for commercial purposes, without asking permission.



Wellcome Collection
183 Euston Road
London NW1 2BE UK
T +44 (0)20 7611 8722
E library@wellcomecollection.org
<https://wellcomecollection.org>

DISSERTATIO MEDICA
INAUGURALIS,
DE
PHTHISI PULMONALI.

DISSERTATIO MEDICA
IN AUGURALIS
DE
PHTHISI PULMONALI

D. GEORGE BAIRD, M.D.

PRO GRADU DOCTORIS

EDINBURGH EXAMINI SUBJICIT

ALEXANDER FRASER, A.M. SCOTIAE

SOC. REG. PHYS. EDIN. SOC. HONOR.

ET FRASER ANNUUS

SOC. MED. EDIN. VIRGIN. SOC.

AD HOC EXAMEN SUBJICIT

EDINBURGH

EDINBURGH

EDINBURGH

M.DCC.XCIII

DISSERTATIO MEDICA
 INAUGURALIS,
 DE
 PHTHISI PULMONALI;
 QUAM,
 ANNUENTE SUMMO NUMINE,
 Ex Auctoritate Reverendi admodum Viri,
 D. GEORGII BAIRD, SS.T.P.
 ACADEMIAE EDINBURGENAE PRAEFECTI;
 NEC NON
 AMPLISSIMI SENATUS ACADEMICI Consensu;
 Et NOBILISSIMAE FACULTATIS MEDICAE Decreto;

PRO GRADU DOCTORIS,
 SUMMISQUE IN MEDICINA HONORIBUS AC PRIVILEGIIS
 RITE ET LEGITIME CONSEQUENDIS;
 Eruditorum examini subjicit
 ALEXANDER FRASER, A.M. *Scotus,*
 Nuper VIRGINIA degens;
 SOC. REG. PHYS. EDIN. SOC. HONOR.
 ET PRÆSES ANNUUS;
 NEC NON
 SOC. SPEC. PETROP. VIRGIN. SOC.

Ad diem 24. Junii, horâ locoque solitis.

Principiis obsta, fero medicina paratur,
 Cum mala per longas convaluere moras.—OVID.

EDINBURGI:
 EXCUDEBANT G. STEWART ET SOCIJ,
 ACADEMIAE TYPOGRAPHI.

M DCC XCIX.

Digitized by the Internet Archive
in 2020 with funding from
Wellcome Library

VIRO EGREGIO

JACOBO SKELTON GILLIAM, M. D.

SPECTATISSIMO AMICO SUO;

QUI DIU ET SCIENTIA MEDICA

QUA FAMAM MAXIMAM SIBI PEPERIT,

ET CÆTERIS BENEFICIIS

QUÆ SEMPER CONFERRE GAUDET,

DE CIVIBUS SUIS OPTIME MERITUS EST,

HANC DISSERTATIONEM,

SUMMA OBSERVANTIA,

QUAM IN TALEM VIRUM,

SEMPER FOVERE JUVABIT,

SACRAM ESSE VOLUIT,

ALEX. FRASER.

AMICIS SUIS AFFECTIONATISSIMIS

JOANNI BELL
JACOBO SELLIGER GILLIAM M.D.

DUNCANO ROSE

THOMAE DENT

ET OMNIBUS AMICIS SUIS

&

BERNARDO MANALLY

ET OMNIBUS AMICIS SUIS

QUI AMICITIAE STABILIS ET

ET BENIGNI FAVORIS

ET OMNIBUS AMICIS SUIS

MULTIS INDIGIS, INSIGNI MODO

DIU EUM HONORATI SUNT;

HOC TENTAMEN INAUGURALE

AMORIS SINCERI

ET OMNIA FELICIA PREGNANTIS

TESTIMONIUM PARVUM

ANIMO OBSERVANTISSIMO

DICAT IT CONSTAT

ALEX. FRASER

AMICIS SUIS SPECTATISSIMIS,

JOANNI BELL,

DUNCANO ROSE,

THOMÆ DENT,

&

BERNARDO M'ANNALLY,

ARMIGERIS ;

QUI AMICITIAE STABILIS

ET BENIGNI FAVORIS

MULTIS INDICIIS, INSIGNI MODO,

DIU EUM HONORATI SUNT ;

HOC TENTAMEN INAUGURALE,

AMORIS SINCERI,

ET OMNIA FELICIA PRECANTIS

TESTIMONIUM PARVUM,

ANIMO OBSERVANTISSIMO,

DICAT ET CONSECRAT,

ALEX. FRASER.

AMICIS FORI SPECTATISSIMIS

JOANNI FELI,

DISSERTATIO MEDICA
PUNCANO ROSE,

IN AUGURALIS,
THOMAE DENT,

DE

BERNARDO MANALI,
PHTHISI PULMONALI,
AMICIS;

DEI AMICIS ET AMICIS

ALEXANDRO FRASER AUCTORE

ET BERNARDI MANALI

MULTIS INDICIS, INSPECTI MODIS

Hic morbus du lunellissimus Britanniae incolis
merito habetur. Numerum victimarum in
gentem hanc et proximam Britanniae insula
potentissimis necat, nec ullus fere alius morbi de
vastatione, tot homines singulis annis moritur
tur, ac huiusmodi lacerationes cadunt. Plerique
scriptorum qui ex his tantis casibus exerceat co
nam sunt, phthises frequentem a sua insula
vossio, a coelo humida frigidaque, sed prae
vocat et consuevit, tenet

ALEX. FRASER.

DISSERTATIO MEDICA
INAUGURALIS,
DE
PHTHISI PULMONALI.

ALEXANDRO FRASER AUCTORE.

Hic morbus diu funestissimus Britanniae incolis meritò habitus est. Numerum victimarum ingentem in hac et proxima Hiberniae infula, quotannis necat, nec ullius ferè alius morbi devastatione, tot homines singulis annis moriuntur, ac hujus mali faevitiâ cadunt. Plerique scriptorum qui exitii tanti causas excutere conati sunt, phthiseos frequentiam a situ insulari nostro, a coelo humido frigidoque, sed prae-

fertim crebris mutationibus obnoxio, oriri docent; et haec morbi generationi multum conferre nemo inficias ibit.

In civitatibus confaederatis Americanis, ubi vere praesertim, et initio aestatis, magnae et frequentes fieri solent temporum mutationes, quàmvis coelum multum a Britannico discrepat, phthisis pulmonum minimè rarò occurrit. Hoc etiam in civitatibus ad meridiem fitis accidere solet, ut mihi, propriis oculis in Virginiâ, saepius vidisse contigit. Nec temporum mutationes caelo Americano propriae, nec populi vitae ratio, quae à nostrâ plerumque parum differt, causas aequas, quae animo satisfaciant praebere videntur, cur morbus illis regionibus tam frequens occurrat. Admodum verisimile videtur proclivitatem in hunc morbum, a majoribus suis ex hac insula qui demigraverant, Americanos accepisse; et Phthisin cum in hac tum in illâ gente à parentibus derivari.

Vix ferè ullus alius morbus magis ingenia et conatus fummos medicorum movit; pauci sive ad opiniones varias, sive tractandi modos
diversos

diversos spectemus, tot sententias, ne dicam lites, peperit. Nostri temporibus jam viri ingeniosissimi, plurimis, sed heu ! penè effusis laboribus, naturam morbi diligenter indagaverunt, ut eâ ritè perspectâ curae fundamenta altiùs et firmiùs ponerentur. In paginis sequentibus, has opiniones tantùm, attingere in animo est, quae latissimè habitae sunt ; et observatione experi-entiâque maximè probari videntur.

CAUSAE PRAEDISPONENTES.

Morbi causam esse frequentissimam à parentibus soboli labem demissam et feminium quasi stirpe latens, experientia docet. Illos quorum corporis habitus, e temperamento sanguineo, vel sanguineo cum phlegmatico juncto, constituitur, quibus sensus justo acutior est, et facies tenella pulchraque, unà cum venis coeruleis majusculis, maximè in hunc morbum proclives esse constat. Cum medici scrofulosos signa ista saepissimè habere animadvertissent, et phthisi pulmonali saepè corripì, opinio inter plurimos orta est, eos om-

nes in phthisin aliquatenus vergere. Haec fuit opinio Culleni illustrissimi, et Gregorii successoris ejus. Neque alia videtur esse ratio, cur stirpes et gentes totae hoc malo extinctae fuerint. Potest ut aliquis a contagio talia evenisse dicat; nemo autem, phthisin contagio generari argumentis vel observationibus fide certissimâ dignis adhuc docuit.

Corporis deformitas vim sanguinis nimiam in pulmones cogendo morbum saepe induxit. Pectus angustum, humeri prominentes et elati, costae compressae, et collum longum, proclivitatem ad phthisin saepè ostendunt.

Quibusdam in vitae temporibus prae aliis hoc morbo homines corripuntur, a pubertatis initio praesertim ad annum aetatis trigesimum quintum. Nonnulli antequam pubertatis tempus attigissent, multi autem, post annum trigesimum quintum exactum, hoc malo confecti sunt.

Sexum sequiorem maribus violentiùs premit. Corporum debilitas et laxior compages, an vita sedentaria plus huic conferat, certè ambo aliquid, haud facile dictu est.

CAUSAE

CAUSAE EXCITANTES.

Inter plurimas tabem pulmonalem concitantes praecipuae sunt eae, quas Cullenus enumeravit, et quas morbum inferre auctorum plerique consentiunt, scilicet Haemoptysis, pulmonum suppuratio à peripneumoniâ orta, Catarrhus, Asthma et Tubercula.

Medicos opinio vulgaris pervasisse videtur, haemorrhagiâ pulmonum accidente phthisin plerumque sequi. In numero exemplorum maximo tamen hoc non accidit. Phthisin ab haemoptysi non necessario oriri, haec postrema saepe inducta ab aliquâ evacuatione solitâ suppressâ, ut a fluxu menstruo, vel haemorrhoidali cohibitis, a crure amputato, aut vi externâ, sed ulcus nullum generans, testatur. Exempli plurima citare licet pulmonibus ubi glande vel ense perfoctis tabes haud supervenerit. Hinc, quotiescunque haemoptysis tabe finiêrit, proclivitatem quandam in hunc morbum priùs adfuisse, quibusdam placuit. Si autem tubercula in pul-

mone

mone antea fuerint, sanguinis congestionem, nec non vasorum dilatationem, efficere possunt, unde diruptio et fluxus eveniant; haec utique effecta non causae phthiseos revera sunt. Fatendum quidem est pulmones ulceribus affectos fuisse, sanguinis profusione antecedenti, nec ullâ in phthisin proclivitate prius animadversâ; sed cur in quibusdam exemplis ac non in omnibus hoc accideret, parum constat. Haemorrhagiae frequentes forsan, pulmones tantum debilitare valent, ut vasa absorbentia muneribus fungi amplius nequeant, unde sanguis in cellis bronchiorum effusus et stagnans, partes proximas tam validè afficiat, ut ulcus insanabile gignatur.

Suppuratio et ulcera pulmonis, post Pneumoniâ, phthisin efficere possunt; hoc autem, sicut illud proximè memoratum, rarò evenit; eâdemque causâ forsan ambo nituntur.

Catarrhus quoque phthiseos causa excitans diu habitus est. Cullenus tamen, et multi alii viri clarissimi, hoc vix unquam ita sese habere putant, nisi prius tubercula pulmonibus infederint. Multa tuberculorum exempla vera catarrho fal-

ſed adſcribi nullus dubito; ſed haud improbabile videtur, crebras et diuturnas deſtillationis acceſſiones, pulmonum viribus attritis, et ſanguine in iis congeſto, ubi nulla proclivitas in phthiſin antecedit, tubercula ipſa nonnunquam creare poſſe.

Aſthma inter cauſas excitantes vulgò annumeratum eſt. In tabem pulmonalem id ſaepe definere Cullenus et multi alii teſtati ſunt; ſinem autem talem plerumque habere obſervatio quotidiana, longè plurimis exemplis ſulta, omninò negat. Aſthmate ſpaſmodico in multos annos haud pauci laboraverunt, et eodem malo in aetate provectâ conſecti ſunt, nullis phthiſeos indiciis ſeſe monſtrantibus. Ratione ergo probâ credimus, quotieſcunque Aſthma in phthiſin deſierit, aliquid proclivitatis in hunc morbum priùs ſubſuiſſe.

Tubercula, ſine dubio, ab omnibus morbi origo longè frequentiffima habita ſunt. Pulmones ſcrofuloſorum tuberculis plerumque affici Cullenus docuit, et parentibus ſcrofulâ contaminatis genitos prae aliis phthiſi obnoxios eſſe. Eandem

dem ferè opinionem, quod ad morborum affinitatem duorum fucceffor tenet; phthifinque malis fcrofulofis in exemplis plerifque annuerandam effe opinatur; et multi alii medici celeberrimi in hanc fententiam iverunt. Majorem exemplorum numerum, in hac regione, huic opinioni convenire credo. Non tamen defunt clari viri, ut Reid, et Ruff medicus Americanus, qui nihil cognatum inter tabem pulmonalem et fcrofulam afferunt. Prior horum frigoris effectui in pulmonum vafa exhalantia morbum imputat, et opinionem vulgò receptam talibus refellere conatur. “ That people with a
“ fcrophulous habit of body, or with their
“ glands fwelled or indurated, may have at
“ the fame time a pulmonary confumption,
“ does no more prove the difeafe to be fcrophulous, than it would be proved cancerous, fhould the patient be affected with that
“ dreadful malady.” In aliâ differtationis ejus parte ita arguit: “ That as fcrophula is a glandular complaint, and no lymphatic glands
“ have as yet been difcovered in the fubftance
“ of

“ of the lungs, that such glands do not exist,
“ and therefore, that tubercles of the lungs
“ have no connection with scrophula.”* Haec
autem ratiocinatio prope irrita, et sine ictu ca-
dit, plus ponderis habitura si scrofulam phthisi
rarissimè praeire auctor ingeniosus demonstrâs-
set. Convenientia et similitudo maxima inter
tubercula pulmonum et tumores scrofulosos in
aliis corporis partibus, phthisin huic morbo ar-
ctè cognatam esse, apud medicos fidem fecit.
Infantes scrofulae praematuras victimas eodem
tempore tabe pulmonali frequenter affici con-
spexerunt; et cum ulcera et tumores scrofulosi
annis provectioribus fortè corpore ab externo
decessissent, saepè tabem pulmonalem succede-
re. Similitudinem et analogiam maximam in-
ter duos morbos existentem Gregorius illustris,
in dissertatione suâ inaugurali, tam optimè de-
pingit, ut verba ejus ipsa hîc loci apponam;
eòque libentiùs quòd opinionem annis juniori-
bus conceptam experienciâ ejus magnâ et ma-
turâ

B

turâ

* See Reid's Essay on Phthisis Pulmonalis.

turâ fancitam inveniam. “ Praeterea magna
“ certè similitudo et analogia est inter tuber-
“ cula et ulcera phthifica in pulmonibus, et
“ tumores abscessusque scrophulosos in caeteris
“ corporis partibus. Eandem speciem exter-
“ nam, et si cultro inciduntur internam ha-
“ bent, eandem spissitatem et duritiem; eo-
“ dem modo à parvo initio ad molem saepè
“ magnam paulatim crescunt, et plerumque fi-
“ ne magno dolore aut molestiâ; tardè et ae-
“ grè suppurant, et nunquam in suppuratio-
“ nem benignam abeunt, sed ulcera foeda et
“ vix sanabilia relinquunt. Eodem anni tem-
“ pore ambo se ostendunt, hiemali scilicet aut
“ verno; accedente aestate levantur aut diffi-
“ pantur; at reverso hieme ambo saepe rede-
“ unt. Denique in sectionibus cadaverum eo-
“ rum quos scrophula planè occidit, tumores
“ scrophulosos in omnibus corporis partibus,
“ et tubercula in pulmonibus ejusdem speciei
“ haud rarò reperiuntur.”

Similitudo ergo maxima inter duos morbos
extat, et observationibus hodie satis probari vide-

tur mala ista plerumque aliquomodò conjungi; medicisque meâ sententiâ jure concludere licet, non exemplum phthiseos unumquodque a scrofulâ oriri, sed talem corporis habitum malo maximè favere, et profectò id ipsum longè facilius producere.

Rationes satis probas adducere, quo tandem modo dispositio scrofulosa tubercula concitare possit, opus arduum et difficile videtur. Hoc eò magis quod vir*, in re anatomicâ clarissimus, pulmonibus glandulas lymphaticas inesse negaverit. Tumores tamen quia scrofulosi in corporis partibus apparent, ubi glandulas lymphaticas nemo adhuc demonstrârit, eò haud improbabile videtur acrimoniam totum corpus pervadentem in scrofulosis tubercula generare posse. Hominum in pulmonibus qui hoc malo mortui sunt, tubercula magnitudine variâ, non solùm bronchiorum cellas occupantia, sed etiam pulmonibus, quasi pars quaedam, vasorum sanguiferorum furculis in ea ubique emissis, coalita et connexa inveniuntur.

B 2

Talem

* Cel. Munro in praelectionibus.

Talem eorum ortum anatomicus ille celeberrimus supra memoratus ita exponit : Vasis ex innumeris materiam pulmonum undequaque percurrentibus, quaedam tam minuta esse, sanguinis uti particulas rubras omninò excludant, et tenuiores tantùm ejus partes sine colore admittant, opinatur. Si fortè ergo sanguinis copia major, ex causâ aliquâ in pulmones congeratur, quàm vasa eorum facilè transferre valeant, arteriae parvulae istae aut rumpi, aut ita obstrui possunt, ut lymphâ plurima effundatur, vel in parte unâ colligatur. Partes *fluidi* tenuiores paulatim absorbentur ; spissiores et quae faciliùs coagulant sensim concrescunt ; pulmonibus à vasis proximis connectuntur, et in corporis vivi naturam brevi coalescunt.

Variolae, rubeolae, scorbutus, lues venerea, inter causas phthisin moventes recensentur. Fieri potest, neque à vero abludit. Semper autem labes scrofulosa latens et ingenita in talibus suspicanda est.

Calcis materia in pulmonibus formata, interdum phthisin inducit ; hujus exempla quaedam
a Culleno

a Culleno notata sunt. Opifices pulveri expofiti, molendarii, putà, lini carminatores, lapicidae, morbo huic obnoxiores feruntur. Opinio tamen, hâc regione faltem, haud nimis benè fundata videtur.

Phthifeos igitur caufas excitantes, fermone longiori profecutus, caufam demùm proximam adjicere reftat. Tuberculorum inflammationem vel fuppurationem eam effe puto, ulcerave origine quâlibet in pulmonibus genita, aut concitata. Objicitur, multos quorum pulmones nulla tubercula, ulcerave nulla infpicienti monftrent, Phthifi mortuos effe. Si talia unquam inveniantur, pro exemplis phthifeos genuinis non habeo, cujus vel nomen ipfum materiae pulmonalis marcorem indicat.

HISTORIA.

Phthifis pulmonalis a Culleno celeberrimo fic definitur,

“Corporis emaciatio et debilitas, cum tuffi, febre

“ febre hecticâ, et plerumque expectoratione
“ purulenta *.”

Gradus tres insigniores de hujus morbi decursu plerique scriptorum differentes statuunt. Hos quanquam progressus liquidò discriminare haud omne exemplum permittit, signa tamen varia, orientia aut gravescentia, prout singulis gradibus occurrunt, ritè enumerare operae pretium erit. Primum ab *inflammatione* nomen sibi afferentem, tussicula sicca, levis, vellicans, haud catarrhum illi comitanti dissimilis denotat. Huic citiùs vel feriùs superveniunt dolores leves, et pectoris laterumve nunc vagi nunc magis fixi et acuti; et dorfi et lumborum dolores cum horroribus levibus et postea calore febrili. Aeger languidus et iners evadit. Tussis quotidie violentiâ crescit, diu tamen sicca; et thoracis dolores interea augentur; facies pallet; totum corpus marcescit; laboriosè et difficulter aegrotans anhelat. Pulsus arteriarum citati et duri, interdum

* Cullen. Synop. Nosolog. Method. T. ii. Gin. 37.
et seqq.

dum pleni sunt ; lingua albida ; oculi visu hebetes ; facies pallida, et aegritudine marcida fiunt. Cibi appetitus imminuitur, alimentique capti regerendi proclivitas frequens est. His indiciis (plurima quorum catarrhum vulgarem stipare possunt) si febris vespertina, corporis emaciatio, inspirandoque sonus sibilans, insuper accedunt, tuberculis pulmones obfessos esse coarguunt.

In medio decursûs gradu, morbus clariùs adolescit, et omnia signa graviora fiunt. Febriculae impetus gravius adoriuntur ; pulsus mane vespereque crebrior fit, exacerbationibusque tandem plenè perfectis *hectica* regularis decurrere incipit. Ex binis accessionibus febris hectica constat, una quarum circa meridiem accidit, obscurior tamen, nisi cibum exercitationemve, aegrotus jam antea ceperit. Accessio altera, clarior plerumque et fortior horam circiter quintam sextamve post meridiem languore et debilitate, frigore citò evanescente, et horrore quodam comitata ingruit. Hæc omnia, calor supra consuetudinem, totumque corpus amplectens, brevi excipit : nec abire consuevit, donec noctis jam plus dimidio

dimidio exacto, sudores profluant et impetum febrilem dirimant. Pectus, brachia, facies, prae aliis corporis partibus, magis sudant. Tali cursu haec febris plerumque pergit; interdum tamen exacerbationes nullas discernere licet. Brevi post febris accessionem colore rufo urina tingitur, sedimentumque lateritium furfuraceum deponit. Sitis vix tum molestè premit, Expectoratio prius incepta auctior fit, matutinoque tempore praecipuè, pure flavo, viridi, vel cineritio, interdum foetido, gustuique ingrato miscetur: jamque malum, heu nimis verè! *confirmatum* appellare licet.

Morbo citatiùs pedem proferente, facies corpusque totum marcescunt defluuntque; oculi in orbibus subsidunt, maculam rubram circumscriptam, caetero ore pallente, genae ostendunt. Menstrua hoc tempore in feminis plerumque cessant. Appetitus etiam *nunc* haud omninò prostermitur; imò praeter naturam interdum urget. Alvus quoque plerumque adstricta est, praesertim post sudores matutinos. Tertius morbi gradus ab alvi solutione incipit, qui tandem

in

in diarrhoeam perpetuam definit, omne quicquid in ventriculum immittitur, ex intestinis statim dejectionem. Febris calor, et sudores matutini, jam aliquid decrefcunt; fed tuffis etiamdum manet. Lingua pura apparet; interdum *aphthis* obfidetur. Pili quoque a corpore decidunt; ungues incurvantur; crura media et ima admodum turgent, dum caetera macie fqualent. Mens, quae haftenus integra fuit, tandem delirio afficitur aliquandiu ante mortem, quae fola tot miferiis finem imponit.

Signa jam memorata nec in omni aegro, nec ordine eodem quem fupra explicavimus, femper fefe offerunt. Quofdam in tumultum curfu praecipiti malum infidiofum abripit; alios a fex menfibus in aliquot annos, per intervalla, lentiùs nec incertiùs depafcit.

DIAGNOSIS.

Cùm figna phthifin incipientem comitantia, unà cum expectoratione, catarrhum vulgarem frequentiùs fuppare foleant, maximi intererit, difcrimen quàm accuratiffimum inter duos morbos, noviffe. Mucus in catarrho è pectore ex-

putus, plerumque pellucet, leviorque aquâ, si immittas, supernatat. Pus contrâ, densum et gravius in aquam demissum brevi defidit. Regula autem haecce utentem fallere periclitatur; si quidem mucus, casu aliquo, opacus densusque fiat; aut pus aëre sufflatum et muco commistum sit; ille demergi potest, dum hoc in aquâ supernatat. Ad pares ferè exitus *Caroli Darvini* experimenta, a medico ingenioso Michaële Ryan rursus ad examen vocata, redierunt. Mucum ab acido sulphurico, pure facilius solvi reperiabant; mucoque soluto, cum aqua adderetur, mucum se dejungere, in summâ vehi, aut in flocculis dispergi, dum puris solutioni eâdem adhibitâ, hoc vel fundum petiit, aut agitatam, æquè per aquam diffusum est, et turbidam reddidit. Sed macies et debilitas hunc morbum ab initio ferè ducentes, indicia certissima mali praesentis praebent. Cum primum hectica febris confirmata fuerit, expectoratione sudoribusque comitantibus, nullus dubitandi locus manet: si exempla quaedam phthysicos confirmatae interdum occurrentia excipiamus, in quibus puris vel nihil vel pauxillum expectoratur.

QUO-

QUORUNDAM SYMPTOMATUM
RATIO.

Tussicula sicca morbum incipiens, a tuberculis praesertim inflammatis exindèque irritatis oriri videtur, frigusque eam saepius auget. *Spirandi difficultas*, *pectorisque dolores* a pulmonum statu inflammato; sanguinis congestione, et tuberculorum obstructione fortassè ortum ducunt. *Maciem* et debilitatem, febris hectica, concoctio depravata, matutinique sudores generant. A pure absorpto *hecticam febrem* auctorum plerique excitari exponunt. Febris haecce et a pure absorpto, et a tuberculorum inflammatorum irritatione provenire videtur. *Diarrhoea* gradum mali supremum infestat: nam sudores, primò fluida per cutem eliciendo, materiae absorptae effectibus ire obviàm existimantur. Corpore autem violentià morbi tandem attrito, sudores febrisque minuuntur, et omnino evanescunt; acrimonia tum intestinis incidens profluvium excitat. *Cru-*
rum tumefactio à debilitate omnimodà explicare

licet; cùm venae, tùm arteriae solutiores factae, muneribus haud ritè funguntur, et fluida, gravitate propriâ detenta, in corpore imo, ideò remquantur.

P R O G N O S I S.

De phthifi nihil fausti unquam augurari possumus. Pars longè major eorum, qui hoc malo semel impliciti fuerint, eodem perierunt. Multi quia tamen miro modo a mortis faucibus quasi revocati sunt, de morbi eventu omnino cautè pronunciandum est, nihilque in curae spem adducens intentatum relinquendum. Tubercula parva inflammari; pus effundere, suppurataque fanescere possunt; aegerque demum convalescere. Si febris autem magis faeviat; sudores matutini et diarrhoea profusiores sint, convalescendi exempla tum rara et mirabilia, vix, et ne vix quidem spem fovere sinunt. Ubi labes haereditaria pro certo extiterit, salutis restitutio permanens vix expectanda est. Insaniae accessiorem phthiseos cursum impedivisse constat; in
mulieribus

mulieribus etiam gravidis, fluidis ad uterum fortasse a pulmonibus derivatis, quae idcirco levatae, ad munera exequenda faciliùs redirent, malum stetit saepius invenimus; post partum, tamen minimè devictum, gradum corripere, et brevi lethalis evadere solet.

C U R A T I O.

Imprimis confitendum est, morbo jam longiùs provecto parum valere; in malo verò incipiente haud parum saepe profutura erunt subsidia artis. Et in subsidiis his indicandis, tria sequentia observanda sunt. I. Tubercula obstructionesque amovere, quùm primùm existere cognoverimus. II. Inflammationem et suppurationem impedire. III. Sin suppuratio inceperit, morbusque confirmetur, vires aegrotantis sustinere, et signa prementia mollire.

Indicatum primum ad conficiendum causas excitantes evitare vel tollere necesse est. Has antea memoravimus, et quia morbos inter sese distinctos ferè constituunt, et remedia propria habent,

habent, hîc loci ista enumerare supervacuum foret. Tuberculorum obstructionumque discussio, res longè utilissima, sed fateri piget, longè difficillima est. Haec, omnia quicquid telorum usque habeat ars medica, saepe eluserunt; sperare utcunque licet, seculo, quo omnia ardua tentantur, quo nihil ferè inexploratum ingenia magna relinquunt, medicamina aliqua successu meliori adhibitum iri. Illa quae vulgò admota sunt, de classe *deobstruentium* petuntur. Hydragyrus tentatus est, fructu minimè aequali, ac in caeterâ obstructionum cohorte; cum labe *sypiliticâ* malum oriri putatur, tum demùm profuturus est. Cicuta, in scrofulae morbo saepius laudata, spes magnas in phthiseos curatione expletura credebatur; talia autem adhuc minimè praestitit, vi tamen *hebetante* ejus, ad dolores sopiendos utilis esse potest. Herbae hujus et Tussilaginis usum, aliquid bonum auguranti, discipulis suis commendare Culleno mos erat; et *Ryan* medicus eas beneficio temporario sese administrâsse praedicat. *Barytes muriata*, annis proximis, famâ celebri pervulgatur; virtutes ta-

men

men ejus haud adeò manifestae sunt ; ventricul-
lum, et intestina violentiùs movet, cautè in
phthisi ergo adhibenda est.

Fontes ex *aquis metallicis*, uti vocant, toties in
hoc morbo petitis et jactatis, fidem habent quam,
credo, non meruerunt. Vitia ventriculi intestino-
rumque, et *catarrhi* affectiones obstinatas, pro
phthisi pulmonali falsò habitas, sine dubio saepe-
penumerò levârunt ; indeque famam immeritam
nactae sunt. Morbo incipiente, vel priusquam
inflammare, vel suppurare tubercula inceperint,
exercitatio et coeli regionisque mutatio, ad fon-
tes tales peregrinationem comitantes, mali pro-
gressum inhibere possunt.

Reidius supra memoratus in tentamine inge-
nioso ejus, *emetica* omnibus phthiseos tempori-
bus, laudibus summis effert ; nimis tamen inde-
finita consilia ejus putârim ; morbi, certè in
gradu primo, talem tractandi modum aliquid
profuturum credo. Aegrotantibus habitu ro-
busto, post sanguinem liberè detractum, et in-
testina cathartico idoneo evacuata, pulveris ipe-
cacuanhae portiones frequentes, mane etiamque
vespere,

vespere, si signa postularent, medicus ille prae-
buit; et hoc modo in menses totos usque per-
stitit. Exitus felices laudibus persequitur, argu-
mentorumque serie ingeniosissimâ, *praxin* hancce
suffulcit. A ventriculi pulmonumque consensu
arctiore, in obstructionibus levandis vomitoria
admodum possunt; a priori tamen, si conjicere
liceat, usus tam frequens, intutus, imò pericu-
losus videtur. In longis catarrhis, ad tubercula
impedienda emeticis recurri potest; ad eadem
discutienda etiam utilia sunt; at si tubercula
jam inflammentur et suppurare caeperint, eme-
tica, credo, pluries repetita, vexando, inflamma-
tionem foverent. Debilitatem arcere quoniam
summâ ope nitendum est, ab emeticis abstinен-
dum est, scilicet quorum usus liberior, ventri-
culi vires atterere possit, et istam omnibus votis,
omnibus artibus resistendam imbecillitatem lon-
giùs promovere. Argumenta tamen utcunque
speciosa sint quae Reidii contra *praxin* adducere
possumus, experientia et nomen ejus, fidem fi-
bi aliquam asserunt; in malo praesertim tanto,
quod artis sanatricis, vim omnem tamdiu usque
jam

jam fprevit ; ubi spes omnes quanquam levissimas nutrire debemus, et nihil intentatum prae-
mittere oportet.

Cùm nullum adhuc medicamentum nobis compertum sit, cui tubercula discutiendi virtutes attribuamus, proximum erit, inflammationem suppurationemque eorum impedire. Hoc meliùs fiet, frigus, humorem, et quicquid ad perspirationem obstruendam, aut catarrhum inducendum, conducat, vitando. Indusium laneum cuti proximum induendum est. Diaeta tenuis esse debet, et ex lacte plerumque, rebusque farinaceis, constare. Si catarrhus supervenerit, sanguis mittendus ; regimenque *antiphlogisticum* sedulò observandum est.

His artibus, si autem morbus flecti negaverit ; coeli mutatio, suadenda est ; malique in hoc stadio, pulmonibus nondum graviùs laesis, nec corporis viribus admodum fractis, multum a coeli mutatione sperare licet. Multùm interest, quam regionem elegeris ; nostris in insulis hie-
mes plerumque faeviores ; ver et autumnus frequentissimè variantes, plurimùm phthificis no-

cere inveniuntur. Menses aestivi, quippe fereniores, signa morbi levare videntur. Regiones ergo coelo ficciore, minimèque temporum mutationibus turbatae, phthisis ubi hominibus raro infidiatur, ex omnibus aliis maxime praeponendae sunt. Talia praebent Galliae partes meridionales, Italiae quaedam, mare juxta Mediterraneum sitae; Hispania, et insularum *Indicarum Occidentalium* loca altiora. Itinera frequentia, marique navigationes breves, plus aegri refectiōni conferre, quam in ullâ terrarum regione, utcunque blandâ, commoratio medici putant. Cum languor, taedium, et irritatio sollicita Phthificis maximè incumbant, quicquid animum mulcere, motusque ejus sedare; et spes vitae tam saepè ab aegro misero captatas fovere valeat, in bonum certè inclinat. Itineris gaudia, per rura amaena, inter comites jucundos, miris modis peregrinantem necessariò afficiunt. Intervalla igitur breviter frequentius facienda sunt; et aliquot dies in locis salubrioribus, ubi copia omnium commodorum adest, et ubi natura bona selectissima sua oculis proponat, morandum

dum est. In navigationibus, multum beneficii a motu aequali et continuo, nec non ab aëre puro particulis salinis imbuto, uti ferunt, derivatur. Munditiei et victûs ratione et curâ habitis, nautas plerumque valetudine meliori, terrâ semper viventibus, frui crediderim. *Reidius* pro theoriâ delectâ suâ navigationis bona vomitioni ascribit, quae plerumque navigantibus contingit. Num vomitio tali modo concitata, magis in salutem faciat, et minus corpori quàm illa arte inducta, noceat, haud investigare morabor; semel autem *Oceanum Atlanticum* trajeturus sum, faeminâ quâdam in eâdem nave proficiscente quae phthisi correptam sese putavit. Per totam navigationem nausêâ affecta, quotidie fere pluriès evomit. Vires autem tantum abfuit ut amitteret quòd maiores adepta, habitior facta est, valetudineque longè meliori esse videbatur, quam cùm è limine primùm solveramus.

Cum aegros, ut saepe, in regionem blandiorem haud transferre licet, et inflammatio jam antea caepit, auxiliis validissimis, quae adhuc sciamus, strenuè renitendum est. Ex his sanguinis missio

multum laudatur, usuque modico adhibita, est pretii credo magni. Multis verò quanquam in exemplis non solum tuta et efficax, sed etiam habitu inflammatorio praevalente necessaria fit; usus tamen sine discrimine nunquam permittendus est, quippe tantam debilitatem inferre periclitans, cui nullis medicamentis resisti possit.

Aetas, vires, morbi progressus in singulis, sanguinis missione optimum modum constituunt. Gradibus in mali provectoribus, ubi ex pulmonibus ulceratis haemoptysis superveniat, caeteris frustra tentatis, sanguinis missione uti saepe cogimur. Venaesectioni verò pro remedio generali habendo a medicis praestantissimis enixè objicitur, quippe quae plethoram augeat, debilitatem inferat, nihilque nisi levamen fugax efficiat. Scriptor e recentioribus (Davidsonius) venaesectionis beneficia, periculo aegri minore, a cathartorum adhibitione et usu liquidorum parciori, saepe obtineri posse affirmat. Et nullus dubito, quin liquidis liberius indulgere, muneribus pulmonum officiat, tuberculorumque resolutionem forsan impediat.

Cum

Cum alvi durities gradus morbi primos comitetur, intestina mitè laxari debent; et *magnesia* vel *sulphur* huic proposito optimè forsan conducunt. Medici quidam ex hydrargyro varia *parata* exhibent, non ad corpus laxandum, sed sudores matutinos ad compescendos data: haec autem cautè utenda sunt, ne diarrhoeam molestant concitent.

Vesicatoria, fonticuli, setacea et olim, et adhuc in phthisi pulmonali, in gradu primo praesertim, usum plurimum adepti sunt. Paucissima tamen opis durantis ab illis collata exempla extant. Morbus, forsan, ubi pneumoniâ catarrhoeve inceperit; thoracisque dolores graviter angant, vesicatoria aliquid profutura sunt; pro remedio tamen generali nequaquam proponenda, quippe acriùs molestant, viresque aegrotantis multùm prosterunt.

Victum phthificorum peritè regere summi interest. Cibus largior et crassior, in hac insulâ usitatus, semper ferè aegrotis, et maximè phthisi laborantibus nocet. Gradu incipiente, lacte et farinaceis dietam confectam suprâ proposuimus;

mus ; et hanc etiam modicam esse oportet. Lactis e generibus variis, quod optimè ventriculo aegri sedeat, semper praeferendum est. Lac vaccinum in ventriculo in nimis durum coagulum convertitur ; eo comperto, lactis serum, lac asininum, vel lac butyri suffici possunt. Multas virtutes lac mulierum possidere perhibent ; copiam autem idoneam comparare difficile est. Lac caprinum laudibus cumulatissimis effertur ; exercitationi tamen, et aëri puro, quae aeger in locis adeundis ubi animal degere gaudet, accipiat, plus tribuere velim. Stadiis in morbi posterioribus, cum pus liberè expectoratur, victum haud adeo tenuem ac suprà definitum, aegrotanti indulgere potes ; carnem concoctu facillimam, vel *conchyli*a cautè permittere licet. Nimia cibi indulgentia signa augebit, exitumque infelicem festinabit. Si appetitus acrior sit, quod saepissimè accidit, cibus frequentior sed copiâ parvâ, capiendus ; potusque manu parcâ administrandus est.

Viribus aegri haud admodum fractis, ambulet, equitet. Ambulatio in locis quàm maximè

aequis

aequis peragenda; nunquam ad sudores movendos fatigationemve duret. Equitatio a Sydenhamio, aliisque nimis laudata inter medicos recentiores, nec immeritò, in usu est. In corporibus tenerrimis, vires ubi admodum devictae, in curru exercitatio, vel in sellâ penfili motus magis expediant. Vires tamen ubicunque competentes restant, equitatio sub coelo sereno longè utilior; nunquam verò ad fatigandum usque persequenda est.

Vires ad sustinendas hecticamque fugandam *tonica*, cinchonam praesertim, medici plurimi adhibent. Ryan ingeniosus corticem cinchonae, victumque magis nutrientem illam phthiseos speciem a scrofulâ ortus ducentem, postulare opinatur. Corticem in scrofulâ adhibitum necnon mari lavationem omnes nòrunt; quis autem mari phthificos lavare jussit? Medici clarissimi, experientiâ maximâ et longissimâ docti, fructos nullos permanentes a corticis usu hoc malo percipi confessi sunt; contrà, inflammationem ab eo foveri; et manifestiores, cùm in febrim et signa
alia,

alia, effectus edidisset, eadem brevi tempore reddisse, et impetu funestiori aegrum confecisse.

Stadium ubi supremum morbus attigerit, signa praecipua et gravissima; sudores colliquativos, tussim, et diarrhoeam mitigare summâ ope, nitendum est. Sudores matutini ab *acido nitrico* vel *sulphurico* ritè dilutis diminui possunt. Cum tussis saevit, somnum abripit, aegrum violenter atterit, omni modo eam lenire oportet.

Glycyrrhizae extractum, aut quae melius respondent *opium* et *anodyna*, alvi constrictione, quam haec inferunt, laxantibus praecautâ, hoc rectius efficiunt. Si diarrhoea superveniat, medicamentis astringentibus, et opiatis coerceri potest. Rheum, caeteraque, in diarrhoea vulgari, cathartica usitata, summo periculo in illâ *hecticam* comitante adhiberi Cullenus pronunciat.

Ultimam priusquam dissertationi manum imponam, aërum arte confectorum in hoc morbo faciendo usum recentissimum leviter attingere, sint qui fortè me expectant. Beddoes medicus, qui primus intulit, theoriam, credo, deferuit, cui nixa consuetudo increbuit. Medicos verò inter pneumaticos

maticos ufus invalere pergit, plus tamen novitate quam virtute falutari nobis adhuc notus. Exemplam quaedam Beddoes nuper edidit, aëres quibus tales folatium remediumve efficiffe perhibentur. Ex his hydrocarbonium, uti vocant, in phthifi valere videtur. Signorum multorum levamen fubitaneum praeberet fertur; febrim mitigat; ftatum corporis irritabilem minuit; fomnum fovet; expectorationique detrahit. Multum tamen aegri vires haurit; debilitateque multa laborantibus non adminiftrari debet. Pars una aëris hujus, partibus viginti aut triginta aëris communis commifta primùm dari; et poftèa, pro effectis augeri minuive poteft.

F I N I S.

CORRIGENDUM.

P. 21. l. 6. pro *lethalis*, lege *lethale*.